

ELECCIÓN DE REPRESENTANTES DE ESTUDANTES NAS XUNTAS DE CENTRO

Acordo da Comisión Electoral Central do 25 de outubro de 2022

De conformidade cos Estatutos e o Regulamento Electoral Xeral da Universidade de Santiago de Compostela, a Comisión Electoral Central (CEC), na súa reunión do día 25 de outubro de 2022, acordou convocar eleccións de representantes do estudantado de grao e máster nas Xuntas de Centro, segundo as seguintes regras de desenvolvemento, aprobadas pola citada Comisión:

PRIMEIRA.- Convocatoria

Ten por obxecto a elección de representantes de estudantado de grao e máster nas Xuntas de Centro (Facultades e Escolas).

SEGUNDA.- Calendario electoral

O calendario electoral figura como anexo I á presente convocatoria. A votación efectuarase o **día 14 de decembro de 2022**, en horario ininterrompido desde as 9:00 ata as 19:00 horas.

TERCEIRA.- Electores e elixibles

Serán **electores e elixibles** as persoas censadas no sector de estudantes de conformidade coa normativa electoral. Os censos estarán a disposición para consulta na Reitoría (dependencias da Secretaría Xeral), na Vicerreitoría de Organización Académica e do Campus de Lugo e nos lugares habilitados para o efecto nos Centros. Tamén se poderá consultar a inclusión nos censos de xeito individualizado na aplicación electoral: <https://aplicacions.usc.es/axe/publica>.

CUARTA.- Presentación de candidaturas e outros escritos

A presentación das candidaturas e dos escritos relacionados con esta convocatoria deberá realizarse a través da aplicación electoral: <https://aplicacions.usc.es/axe/publica>, antes das 14:00 horas do día no que remate o seu correspondente prazo de presentación. Para acceder á aplicación electoral os/as electores/as terán que identificarse mediante as claves de acceso corporativas da USC, podendo acceder á aplicación dende a Secretaría Virtual.

Cando os candidatos/as pretendan formalizar unha agrupación electoral para presentar candidaturas, realizar a campaña electoral e nomear interventores/as (art. 25 REX), esta deberá estar inscrita no Rexistro de asociacións da USC ou, no caso de non estarlo, o/a representante da agrupación deberá solicitar á Secretaría Xeral, no prazo de presentación de candidaturas, concorrer como agrupación electoral e nomear a un/unha representante, que responderá dos dereitos e obrigas fronte á USC e fronte a terceiros.

No caso de que non se presente a solicitude para formalizar a agrupación electoral nos termos indicados anteriormente, aceptárase pola Secretaría Xeral a candidatura sempre que cumpra os restantes requisitos, facendo constar no apartado de agrupación “ningunha”.

As agrupacións electorais deberán respectar, na medida do posible, que os candidatos/as dun mesmo sexo non superen o 60%.

QUINTA- Suposto no que non procede realizar votación

Non será preciso someter a votación a elección de representantes cando o número de candidatas/os sexa igual ou inferior ao número de postos elixibles na circunscrición correspondente.

SEXTA.- Procedemento electoral

O procedemento electoral será de votación electrónica, conforme ao establecido no anexo II.

Disposición adicional

O procedemento de votación rexerese polo establecido nesta convocatoria, polo resto de disposicións do réxime electoral da USC, en todo o que sexa aplicable e, de forma supletoria, pola normativa electoral e de administración electrónica que sexa de aplicación.

Santiago de Compostela, na data da sinatura electrónica.

O reitor

Antonio López Díaz

Taboleiro de anuncios da Reitoría e da Vicerreitoría de Organización Académica e do Campus de Lugo e taboleiro electrónico

ANEXO I

Exposición do censo provisional	25 - 31 outubro
Reclamacións ante a Secretaría Xeral contra o censo provisional	25 - 31 outubro
Resolución da Secretaría Xeral sobre rectificación do censo	2 de novembro
Recursos ante a Comisión Electoral Central contra o censo	3 - 7 de novembro
Publicación do censo electoral definitivo	8 de novembro
Presentación de candidaturas	9 -18 de novembro
Proclamación provisional de candidatos/as	21 de novembro
Recursos ante a CEC contra a proclamación provisional de candidatos/as	22 - 24 novembro
Proclamación definitiva de candidatos/as	25 de novembro
Publicación do número de representantes a elixir en cada circunscrición	25 de novembro
Sorteo da letra de inicio de inscrición de candidatos/as nas papeletas electrónicas	25 de novembro
Campaña electoral	28 novembro - 12 de decembro
Xornada de reflexión	13 decembro
Votacións	14 de decembro (desde as 9:00 h ata as 19:00 h)
Proclamación provisional de candidatos/as electos/as	15 decembro
Recursos ante a CEC contra a proclamación provisional de electos/as	15-21 de decembro
Proclamación definitiva de candidatos/as electos/as	22 decembro

ANEXO II PROCEDEMENTO ELECTORAL

Sistema electoral electrónico

1.- O sistema electoral consistirá na emisión de votos dende un dispositivo conectado a Internet ata unha urna dixital remota situada nun recinto protexido e baixo a custodia da Comisión Electoral Central da USC.

A USC garantirá que a infraestrutura tecnolóxica que dá soporte ao sistema electoral contemple as medidas de seguridade que garantan o correcto funcionamento durante o período no que se exerce o dereito ao voto, o secreto e a privacidade do votante, a integridade do voto e un escrutinio disociado.

2.- O sistema electoral electrónico será o seguinte:

a) Reúnese a Mesa electoral electrónica que estará composta por tres membros, nomeados pola Comisión Electoral Central, logo dun sorteo (presidente e vogais). Na reunión tamén poderán estar presentes os/as interventores/as designados, e o equipo de apoio responsable do mantemento do voto electrónico. Reuniranse a primeira vez cunha antelación mínima dunha hora ao inicio da votación no lugar que determine a Comisión Electoral Central.

Para a válida constitución da Mesa electoral electrónica fará falta a asistencia dos tres membros.

b) O presidente da Mesa Electoral Electrónica deberá iniciar o sistema de elección o día e á hora indicada na convocatoria de eleccións. Ningún elector/a poderá acceder á dirección electrónica que dá acceso á páxina web electoral fóra do horario establecido para a votación.

3.- A votación realizarase unha soa vez, sendo este o voto válido emitido.

4.- O sistema de votación contemplará a posibilidade de emitir votos a persoas e votos en branco. Non existirán votos nulos.

Sistema de votación

1.- O voto electrónico emitirase desde calquera ordenador conectado a Internet.

2.- Os electores/as terán que conectarse a través da súa Secretaría Virtual, ou ben dende a páxina web electoral, na que se habilitará un enlace á aplicación de voto. En caso de non poder conectarse, porase en coñecemento da Comisión Electoral Central ou da Secretaría Xeral a efectos de que se tomen as oportunas medidas e resolver a incidencia. A comunicación farase a través da conta de correo evoto@usc.es.

3.- Os electores/as identificaranse coas claves de acceso á Secretaría Virtual.

4.- Na pantalla de votación constarán relacionadas as candidaturas proclamadas, así como a opción de voto en branco. Unha vez realizada a opción de voto, terase que premer "Emitir o voto" e, a continuación, mostrarase a candidatura ou as candidaturas escollida/s e solicitarase a confirmación da opción elixida. En caso de non querer confirmala, o elector/a terá a posibilidade de realizar unha nova selección.

5.- Unha vez confirmada a opción de voto, codificarase o voto coa clave de codificación/cifra. Seguidamente, tense que asinar o voto do elector/a e tense que remitir á urna dixital remota.

6.- Unha vez finalizado o procesamento do voto, darase opción a imprimir ou gardar un recibo cun código de control, que permitirá comprobar ao elector/a que o seu voto foi emitido e utilizado no escrutinio.

7.- As votacións realizadas por este sistema substitúen ás votacións con urna e os resultados serán vinculantes, sen que sexa necesario establecer sistemas alternativos para a votación presencial.

Administración Electoral

A Comisión Electoral Central será a responsable do procedemento electoral e da custodia dos votos emitidos. Entre as súas funcións cómpre destacar:

- a) Resolver as incidencias do procedemento e difundir os acordos adoptados pola resolución das mesmas.
- b) Publicar e difundir os resultados do escrutinio.
- c) Resolver as reclamacións e recursos

Pola súa banda, a Mesa Electoral Electrónica encargárase da apertura da urna electrónica en presenza dos interventores; responsabilizárase da custodia da clave descifradora para permitir o escrutinio e realizará o escrutinio.

Poderá existir unha Mesa de administración nomeada pola Comisión Electoral Central para resolver as incidencias técnicas ou administrativas que se poidan producir durante a votación electrónica na que colaborará un equipo de apoio técnico que asesorará en aspectos tecnolóxicos.

Se por causas de forza maior ou por calquera incidencia técnica non fose posible iniciar o acto da votación ou do escrutinio, ou se tivese que interromper unha vez iniciados, a Comisión Electoral, en función da duración e natureza da causa ou incidencia e doutras circunstancias, poderá adoptar calquera das solucións seguintes:

- a) Prorrogar a duración do período da votación electrónica polo tempo que estime conveniente.
- b) Suspende ou aprazar a votación ou o escrutinio.
- c) Acordar, excepcionalmente, que a votación se leve a cabo polo sistema tradicional, indicando os prazos pertinentes e resolvendo as restantes cuestións que se estime oportunas.

No caso de que se opte polas solucións b) ou c) e cando algún elector/a tivese votado, a Comisión Electoral Central poderá acordar a destrución dos votos e das claves criptográficas. Neste caso, o electorado afectado volverá a exercer o seu dereito de sufraxio co sistema e data que se acorde.

Se a anomalía comporta a substitución de calquera dos computadores que conforman o sistema informático electoral, a Comisión Electoral Central da Universidade poderá ordenar a súa reposición ou a destrución dos votos e das claves criptográficas.

Se o que se ten que substituír é a urna electrónica, a Comisión Electoral Central decidirá cando proceder á destrución dos votos e das claves criptográficas.

O presidente da Comisión Electoral Central comunicará as medidas acordadas ao órgano competente a fin de que informe ao electorado afectado e proceda a publicalas na páxina web electoral.

As incidencias xurdidas ao longo do procedemento e as medidas de resolución adoptadas faranse constar en acta.

A Secretaría Xeral da Universidade cooidará do correcto desenvolvemento da convocatoria electoral e asegurará a disposición de medios para a votación.

Os órganos de goberno das Facultades e Escolas colaborarán no desenvolvemento e tramitación das eleccións, proporcionarán os locais, medios e asesoramento necesarios para levalas a cabo e velarán pola boa marcha da xornada electoral. A estes efectos, correspóndelle a responsabilidade desta colaboración ao decano/a ou director/a do Centro, ou a quen este/a designe expresamente debendo comunicalo á Secretaría Xeral.

Escrutinio do voto

1.- Acabadas as votacións electrónicas, os membros da Comisión Electoral Central reuniranse no lugar que o presidente determine.

2.- Os membros da Mesa Electoral Electrónica, con presenza dos interventores/as e, no seu caso, dos asesores técnicos do voto electrónico procederán a reconstruír a clave descifradora, descodificar os votos e iniciar o escrutinio. En todo caso, será necesaria para a reconstrución da clave descifradora a presenza dos tres membros da Mesa Electoral Electrónica. Se algún destes membros extraviase a súa fracción de clave terá que xustificalo e comunicalo ao presidente, debéndose facer constar esta incidencia na acta da sesión.

3.- Cada un dos membros da Mesa Electoral Electrónica achegará a fracción da clave descifradora que lle corresponde e a descodificará co seu certificado dixital. Así se reconstruír a clave mencionada que permitirá interpretar o contido dos votos electrónicos. A continuación, iniciarase o escrutinio electrónico.

4.- O proceso de descifrado dos votos ten que garantir que se impida coñecer a identidade dos votantes.

5.- O presidente da Comisión Electoral publicará o resultado provisorio das eleccións por centros, sectores e subsectores conforme aos calendarios e procedementos establecidos nesta convocatoria.

6.- Agás no caso de impugnación, unha vez transcorrido o prazo de catro meses desde a proclamación dos representantes electos o presidente da Comisión Electoral, en presenza da secretaria xeral, e se é o caso, do asesoramento técnico pertinente, procederá á destrución tanto da clave descifradora que permite abrir a urna electoral como dos votos electrónicos depositados na urna electrónica remota.

Non se poderán destruír os votos electrónicos que fosen obxecto de impugnación, reclamación ou dúbida, nin polo tanto a clave descifradora. Esta e os votos electrónicos custodiaranse e conservaranse ata que finalice o procedemento correspondente.

Ata a destrución da clave descifradora e dos votos electrónicos depositados na urna electrónica, a Mesa Electoral Electrónica custodiará a clave descifradora e os votos electrónicos depositados na urna electrónica, de acordo co procedemento seguinte:

- Cada membro da Mesa Electoral Electrónica introducirá nun sobre a tarxeta coa parte da clave criptográfica mencionada, e nun sobre separado os códigos PIN e PUK da tarxeta. Todos os sobres terán que estar debidamente pechados e asinados de forma manuscrita.
- Gardarase nun soporte informático a lista de votos electrónicos cifrados.

A secretaria xeral conservará toda a información xerada durante o proceso electoral para garantir que os votos emitidos non sexan alterados e gardaraos na caixa forte de seguridade da Universidade, baixo a súa custodia.

Sinatura dixital / Firma digital / Digital signature

Asinante/Firmante/Signer: ANTONIO LOPEZ DIAZ, REITOR, UNIVERSIDAD DE SANTIAGO DE COMPOSTELA,
25/10/2022 10:18:51.

CSV: 6FF9-C005-434C-8006